



सा:गु भिंगु मरिचरिया निति लुमका दिसँ !

लक्ष्मण गजाल 'चिलिमि' प्रोप्राइटर

लाखा छँ
LAKHA CHHEN

सोहखुटे, वडा नं. १६, येँ, फोन नं.: ४५६०७५८

गलत इतिहास च्वःगुया विरोध पत्रकार दबू व फोनिजपाखें 'अग्र अनुहार' सफू खुनाबिल

• लहना संवाददाता

नेपाल पत्रकार महासंघयू नेतृत्व या:पिं अध्यक्षपिनि जीवनीयात कया: च्वयात:गु सफू विमोचन ज्याइव: हे धाराधुर जूगु दु।

आइतवा: 'अग्र अनुहार : कथा अग्रजको, गाथा महासंघको' नांया सफू विमोचन याये न्ह्य: हे लाका कया: खुनाबिउगु ख:। नेपाल आदिवासी जनजाति पत्रकार महासंघ (फोनिज) व नेवा: पत्रकार राष्ट्रिय दबुलिं थुगु सफूया विरोध यासैं विमोचन याकें मबिउगु ख:।

सफुतिइ पत्रकार महासंघया संस्थापक अध्यक्षयाबारे गलत व्याख्या यानात:गु धासैं विरोध या:गु ख:। पत्रकार महासंघया प्रतिष्ठान प्रदेश शाखां पिका:गु उगु सफुतिइ पत्रकार संघ वि.सं. २०१२ साल गठन जूगु न्ह्यथंसैं उबलयया अध्यक्ष कृष्णप्रसाद भट्टराई निसैं आ:तकया अध्यक्षतयू जीवनी न्ह्यथनात:गु ख:। तर पत्रकार संघया स्थापना २००८ सालयू हे सत्यनारायण बहादुर श्रेष्ठ यायेधुकूगु ख:। महासंघं श्रेष्ठयात छुवे लाका: भट्टराईयात संस्थापक अध्यक्ष नाला वयाच्वंगु दु। थुक्रियात कया: नेवा: पत्रकार राष्ट्रिय दबू व फोनिजं त:क्व: हे महासंघयू ज्ञापनपत्र बिया: श्रेष्ठयात



विरोधया भवलयू न्ववासैं फोनिजया महासचिव मिलन लिम्बुं महासंघं थ:पिनिगु मागयात बेवास्ता यासैं सिइक चायेकं सफू पिथना: सत्यनारायण बहादुर श्रेष्ठया इतिहासयात हे हुइगु कुत: या:गु खँ धयादिल । थ:पिसं त:न्हु न्ह्यवनिसैं थव बारे महासंघयात सचेत यासैं वार्तायू च्वनागु ख:सां थुक्रियात बेवास्ता यासैं सफू पिथनेगु कुत: या:गुलिं थ:पिं थथे विरोधयू कुहां वयेमा:गु खँ धयादिल । वयूकलं महासंघं आ: २४ घौ दुने थुक्रियात सच्चे मयात धा:सा फोनिजं देयू न्यकं महासंघया विरोधयू आन्दोलन न्ह्याकी धयादिल ।

संस्थापक अध्यक्ष कायम यायेत माग यायेधुकूगु दु।

अथे ख:सां महासंघं अटेरी जुया: इतिहास हे स्यंकेगु कुत: या:गु धासैं सफू व महासंघया विरोध जूगु ख:। पयर्टन बोर्डयू आइतवा: जूगु उगु

विमोचन ज्याइवलयू महासंघया पुलापिं अध्यक्षपिसं सफू विमोचन यायेत्यंगु इलयू हे फोनिज व दबूया दुज:पिं दबुलिइ हे थहां वना: विरोध या:गु ख:। थव इवलयू विमोचन जुइत्यंगु सफू हे लाका कया: अन हे खुनाबिउगु ख:।

लिसैं अन हे 'इतिहास स्यंकेगु कुत: याये दइमखु', 'सत्यनारायण बहादुर श्रेष्ठयात महासंघया संस्थापक अध्यक्ष कायम या' धका: नारा थ्वयेकूगु ख:। थव इवलयू विरोध या:पिसं सत्यनारायण बहादुर श्रेष्ठया किपा सहित वयूक:यात

संस्थापक अध्यक्ष कायम यायेत माग याना: पर्चा नं ब्व:गु ख:।

विरोधया इवलयू न्ववासैं फोनिजया महासचिव मिलन लिम्बुं महासंघं थ:पिनिगु मागयात बेवास्ता यासैं सिइक चायेकं सफू पिथना: सत्यनारायण बहादुर श्रेष्ठया इतिहासयात हे हुइगु कुत: या:गु खँ धयादिल । थ:पिसं त:न्हु न्ह्यवनिसैं थव बारे महासंघयात सचेत यासैं वार्तायू च्वनागु ख:सां थुक्रियात बेवास्ता यासैं सफू पिथनेगु कुत: या:गुलिं थ:पिं थथे विरोधयू कुहां वयेमा:गु खँ धयादिल । वयूकलं महासंघं आ: २४ घौ दुने थुक्रियात सच्चे मयात धा:सा फोनिजं देयू न्यकं महासंघया विरोधयू आन्दोलन न्ह्याकी धयादिल ।

अथेहे पत्रकार दबूया महासचिव केके मानन्धर 'नेपाल टुडे' सत्यनारायण बहादुर श्रेष्ठ वि.सं. २००८ यू हे पत्रकारतयू हक हितया निति पत्रकारतयू संगीत याना: नेपाल पत्रकार संघ नीस्वंगु खँ न्ह्यथंसैं थ्वयां प्यदै लिपा २०१२ सालयू थव हे संघयात पुनर्गठन या:मह कृष्णप्रसाद भट्टराईयात संस्थापक नाला: पत्रकार महासंघं श्रेष्ठप्रति अन्याय यानाच्वंगु व इतिहासयात हे नामेत यायेगु कुत: यानाच्वंगु खँ धयादिल ।

न्यूरोड मलय 'लुटपाट'

न्हू सतकयू च्वंगु न्यूरोड मलय नगर प्रहरीत दुहां वना: अन तयात:गु लाकां पस: चीकेगु ज्या यागु दु। मलया क्वयूया तल्लायू तयात:गु लाकां पस: फुक्क धाराधुर याना: लुटे यायगु शैली न्हून्हुगु लाकां फुक्क ज्वना वंगु दु।

नापं अन च्वंगु लाकां तयात:गु च्याक व दराज नं फुक्क यंकूगु ख:। कम्प्लेक्सया क्वयूया तल्लायू पस: मखु पार्किड तयूमा: धासैं नगर प्रहरीतयूसं लुटपाट यायगु शैली पस:या सामान ल्हवना यंकूगु ख:। तर न्यूरोड मलया नक्सायू

धा:सा क्वयूया तल्लायू बेसमेन्ट जक च्वया: पार्किड तयूगु धका: उल्लेख मदुगु खँ सीदुगु दु।

न्यूरोड मलया बेसमेन्ट मेमेगु कम्प्लेक्सयू थें अण्डरग्राउण्ड मजुसैं खुल्ला हे तयात:गु दु। अन ज: व फयूया संचालन जुइत गुगुं कथंया बाधा मदुगुलिं पस: तयूत व मनूत वयू वने यायूत छुं समस्या मदुगु कम्प्लेक्सया नाय: कृष्णलाल महर्जनया धापू दु।

'जिं नक्सापासयू बेसमेन्टयू पार्किड, स्टोर, गोदाम आदि छुं ल्यं ७ पेजयू

Trendiest Fashion At Price You Love

ufo the clothing store

Binod Maharjan 9841369552, 9808644666

बि.आर्ट्स

B. Arts

Nayabazar, Kirtipur

4335491, b.arts4335491@hotmail.com

- * Banner, Flex Board
- * Glow Sign Board
- * Sticker Cutting / Printing
- * Screen/ Rubber Print
- * Self-ink/ Rubber Stamp
- * PVC(ID) Visiting Card
- & all kinds of press works



नेवाः राष्ट्रिय म्ये

चवमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन भीगु लागाय् भी स्वयं हे जः जुया धुन लुइ धुन ह्यांगु भुमिइ अष्टमण्डल ह्यांगु चाः दुने थी नगु भीगु नेवाः ध्वाँय् थ्व हे खः ज्यान भी सकस्यां छगू जातितय् स्वायत्त राज्य लुइ कर्प च्वय् भिलिमीलं राष्ट्र भःभः धाय्क न्ह्याके भीगु चःति भीगु हिं

सम्पादकीय



२०७२ निसैं नेवाः पत्रकारतय्गु आन्दोलन

देय् न्यक्या नेवाः पत्रकारतय्गु छप्पं छधी याना वनेमाःगु, नेवाः मुद्दायात स्थापित यायेमाःगु, नेवाः पत्रकारतय्गु हक अधिकारयात स्थापित यायेमाःगु नापं नेवाः सः संचार जगतय् थ्वयेकेगु नितिं नेवाः पत्रकार राष्ट्रिय दबू नेपाल संवत १९३२ सं पलिस्था जूगु खः । तत्कालिन अवस्थाय् पहिचानया मुद्दायात नेपाःया संचार माध्यमपाखें मौन रूपं बहिष्कार यानाच्वंगु अवस्थाय् नेवाः संचारकःमि दबू, नेवाः मिडिया क्लब, नेवाः संचार दबू लगायत थीथी नेवाःतय्गु संगठनय् आबद्धता जुयाच्वीपिं व संगठनय् अबद्धता मदुपिं नेवाः पत्रकारतय्गु छगू हे थासय् मुना मंकाः कथं ग्वसाः खलः नीस्वना नेवाः पत्रकार राष्ट्रिय दबू गठन यायेगु नितिं ग्वसाः खलः तर्क नीस्वना न्ह्याः वंगु खः । उगु इलय् नेवाः मुद्दा, पहिचानया मुद्दायात स्थापित यायेगु नितिं नेवाः पत्रकारतय्गु छप्पं जुया सतकय् क्वहां हे वयेमाःगु महसूस याना नेवाः पत्रकारतय्गु राष्ट्रिय स्रतया सम्मेलन याना नेवाः पत्रकार राष्ट्रिय दबू नीस्वनेगु ज्या जूगु खः ।

नेवाः पत्रकार राष्ट्रिय दबू संघर्षया इवल्य् हे गठन जूगु खःसा थुगु दबूपाखें मदिक्क संघर्ष नं याना वयाच्वंगु दु । नेवाः पत्रकारतय्गु संगठित यायेगु नाप नाप संघर्ष याना वयाच्वंगु दबूया मू आज्जु मध्ये मातृभाषाया न्हापांम्ह पत्रकार धर्मादित्य धर्माचार्यायात न्ह्याःने यंकेगु नापं नेपाःया पत्रकारपिनिगु मंकाःगु संगठन नेपाल पत्रकार महासंघया संस्थापक नाथो सत्यनाराय बहादुर श्रेष्ठयात स्थापित यायेगु नितिं संघर्ष यायेगु आज्जु तया न्ह्याः वंगु खः । अथे न्ह्याः वनेगु इवल्य् समान मुद्दा ज्वनीपिं पत्रकारपिलिसे नाप नाप वनेगु इवल्य् नेपाःया आदिवासी जनजाति पत्रकारतय्गु संगठन आदिवासी जनजाति पत्रकार महासंघय् अबद्ध जुया नेवाः पत्रकार राष्ट्रिय दबू न्ह्याः वनाच्वंगु खः । अथे हे मेमेगु पत्रकार संगठनतलिसे नं नाप नाप वनाच्वंगु खः ।

नेपाल पत्रकार महासंघया संस्थापक नाथो धकाः सत्यनारायण बहादुर श्रेष्ठयात स्थापित यायेगु नितिं नेवाः पत्रकार दबूपाखें न्हापांखुसि नेपाल संवत १९३६ सं संस्थागत रूपं हे ज्याइवः तःगु खः । वसिबें न्ह्याः नेवाः पत्रकारलिसें मेमेपिं पत्रकारपिन्सं च्वयेगु व मुद्दा ल्हवनेगु ज्या यानाच्वंगु खः । संस्थागत रूपं नेवाः पत्रकार राष्ट्रिय दबूपाखें याःगु खः । इतिहासय् स्पष्ट दुगु नेपाल पत्रकार महासंघ तत्कालिन अवस्थाय् नेपाल पत्रकार संघ (२००८)या नाथो सत्यनारायण बहादुर श्रेष्ठयात मुद्दायात नेवाः पत्रकार राष्ट्रिय दबूपाखें ल्हवनेगु अले न्ह्याः वनेगु सामान्य खँ अवश्य नं मखु । नेपाल पत्रकार महासंघया विधानय् २०१२ सालयात नेपाल पत्रकार महासंघ (तत्कालिन अवस्थाय् नेपाल पत्रकार संघ) स्थापना ई धकाः नाला वयाच्वंगु अवस्थाय् खः । उकिसनं पत्रकार महासंघया नेतृत्व नेवाः नापं आदिवासी जनजाति मैत्री जुइ मफयाच्वंगु अवस्था । अज्वःगु इलय् नेवाः पत्रकार राष्ट्रिय दबूपाखें थःगु कठिन यात्रा शुरु याःगु खने दु । अले ज्ञापन पत्र विइगु, मुद्दा ल्हवनेगु, गतिविधि यायेगु नाप नाप आदिवासी जनजाति पत्रकार महासंघ फोजिन लिसे जाना ज्या यायेगु तर्क यायां थौंया अवस्थाय् नेवाः पत्रकार राष्ट्रिय दबू व फोजिनया छगू हे अज्जु जुया न्ह्याः वनाच्वंगु खः । थ्व हे दथुइ पत्रकार महासंघ गगु कथं पत्रकार महासंघया च्यादँया इतिहासयात ह्या नियतवस कथं न्ह्याः वनेत्यन उकियात कया फोजिन व नेवाः पत्रकार राष्ट्रिय दबूया नेतृत्वय् छगू कथंया आन्दोलन उकृष्टय् थ्यंगु दु । चरम अवस्थाय् थ्यंगु थ्व आन्दोलन थौंया थौं हे थ्यंगु अवस्था मखु । थुकिया नितिं नेवाः पत्रकार राष्ट्रिय दबूपाखें नेपाल संवत १९३६ निसैं औपचारिक अले वसिबें न्ह्याःनिसैं मुद्दा ल्हवना वयाच्वंगु खः । आः च्यादँ न्ह्याःनिसैंया संस्थागत आन्दोलन व थ्व आन्दोलनं ल्हवंगु मुद्दायात गबले सम्बोधन यायेत नेपाल पत्रकार महासंघ तयार जुइगु खः व धाःसा स्वयेगु ल्यं दनि ।

कुटिल विपुलया अग्र त्वःफ्युगु 'अग्र अनुहार' सफुतिं ब्वलंगु महाभारत



सुरजवीर बज्राचार्य

सकल पत्रकारतय्गु खयां नं सकसिगु जुइ मफयाच्वंगु जक मखःसे थः हे संस्थापक नायःयात म्हमस्युगु नेपाल पत्रकार महासंघया वर्तमान नायः विपुल पोखरेलं छगू चाल म्हितल । निष्पक्ष पत्रकारतय्गु संगठन धयाच्वनागु थुगु महासंघय् २०७७ साल चैत्र २५ गते जूगु निर्वाचनं काँग्रेस निकट प्रेस युनियनया विपुल पोखरेलं अध्यक्ष त्याकेधुंकाः न्हापा थें हे थुगु महासंघया संस्थापक अध्यक्ष सु खः ? धइगु विषयय् अन्यौल मन्यंकेतः व सत्य स्थापित यायेत नेवाः पत्रकार राष्ट्रिय दबू नेपाल आदिवासी जनजाति पत्रकार महासंघ फोजिनं निरन्तर थनाच्वन । तःक्वः पत्रकार महासंघया नायः व ज्यासना पुचःया हे उपस्थितिइ जूगु ज्याभ्वल्य् नं थुकथं ध्यानाकर्षण याकेगु ज्या जुल । नायः विपुलं "सत्यतथ्य मालेगु" बचनं तःथाय् बिल । अयूनं नेपाली काँग्रेसया संस्थापक थः नेता कृष्णप्रसाद भट्टराईयात न्हापांम्ह अध्यक्षकथं स्थापित यायेत "थःगु ग्वसाः प्रतिष्ठान प्रदेश समिति या ख्वाः" ब्वल । अग्र 'संस्थापक अध्यक्ष सत्यनारायण बहादुर श्रेष्ठ' हे त्वःफिकाः थःगु स्वार्थकथं 'अग्र अनुहार - कथा अग्रजको, गाथा महासंघको' सफू पिथनेगु ज्या यात । विपुलया थुगु कुटिलतां सफू पिथना ज्याभ्वःया दबू रणसंग्राम जुलसा सत्य व असत्यया दथुया द्वन्द महाभारत नं घोषणा जुल ।

नेपालय् पत्रकारतय्गु संगठित यायेगु तातुनां दकले न्हापां २००८ सालय् नेपाल टुडेया सम्पादक सत्यनारायण बहादुर श्रेष्ठं नेपाल पत्रकार संघ स्वनादिल । गगु कार्यसमितिइ सेक्रेटरी भोजबहादुर सिंह न्यौपाने दुगु उल्लेख ग्रीष्मबहादुर देवकोटां 'नेपालको छापाखाना र पत्र-पत्रिकाको इतिहास' सफुतिइ यानादीगु दु । पत्रकारिताया दक्कं ब्वमिपिन्सं ब्वंगु तथ्य खः थ्व । अर्नील २००९ साल वैशाख २८ गते आर्य समाज मन्दिर, भोताहीतिइ जूगु संघया निक्वःगु सभां हाकनं नेपाल टुडेया सम्पादक सत्यनारायणबहादुर श्रेष्ठयात हे सभापति ल्यःगु खः । कार्यसमितिइ उपसभापति प्रेमराज शर्मा (सं, गोरखापत्र), सेक्रेटरी भोजबहादुर सिंह न्यौपाने, (सं, तरंग), ज्वाइन्ट सेक्रेटरी रामहरि जोशी, (सं, नेपाल पुकार), कोषाध्यक्ष रामराज शर्मा, (नेपाल पुकार) व सदस्य नारायणप्रसाद उपाध्याय, देवेन्द्रराज शर्मा, भीमभक्त जोशी, प्रकाशचन्द्र टण्डन दुगु खः । थुगु सभं उबले देय् दुने व पिने च्वीपिं पत्रकारपिनिगु स्वापू दयेकाः श्रमजीवी पत्रकार व समाचारपत्रया अधिकार रक्षा यायेगु तातुनां न्ह्यावंगु खःसा संचार ख्यलय् दुगु अस्पष्टता व तत्कालिन सरकारं संचार ख्यलय् हस्तक्षेप यायेफ्युगु

कानूनया खँय सः थंगु खः ।

ग्रीष्मबहादुर देवकोटाया सफू पुस्तक "नेपालको छापाखाना र पत्रपत्रिकाया इतिहास" य् १२ पाना नेपाल पत्रकार महासंघ गठनया खँय च्वयातःगु दु । सफुतिइ प्रष्ट च्वयातःगु दु कि नेपाल पत्रकार संघया स्थापना २००८ सालय् जूगु खः । थुकिया संस्थापक अध्यक्ष सत्यनारायण बहादुर श्रेष्ठ खः । गोरखापत्रय् २००९ सालय् प्रकाशित पत्रकार संघया ज्याखँया समाचारं २००८ सालय् सत्यनारायण बहादुर श्रेष्ठं संस्थापक अध्यक्ष जुयाः न्ह्यज्याकूगु संगठनया विषयय् पुष्टि यानाब्यू ।

न्ह्यात्येजाःगु तथ्य, प्रमाणं पुष्टि याःसां दलया दलदलय् तर्क्यापिं पत्रकार नेतातय्गु मिखाय् जः मखः । न्ह्यपुइ निभाः मत्वः । अले व हे "श्रावणं मिखां मखंम्ह द्वः नं न्ह्याबले वंगु खं" धाःथें सदां हे दलया दासत्व 'कृष्णप्रसाद' लुइकाच्वन, थुइकाच्वन, क्यनेगु, ब्वनेगु व च्वयेगु कुतः जुयाच्वन । थुगु हे कुतलय् मेगु छगू कुतः 'उगु सफू पिथना ज्याइवः' खः ।

थुगु महासंघया नेतृत्व २३ म्हसिगु बारे १७ म्हसिनं च्वयातःगु थुगु सफुतिइ उगु नेतृत्व याःपिनिगु किपामध्ये 'कृष्णप्रसाद भट्टराईया किपा तःपाः । उकिया अर्थ मेपिंसिबें वयकः पाः धाःगु खत । पाकेगु मती दुगु न्ह्यपुया उपज । थुगु सफुतिइ सम्पादक बालकृष्ण अधिकारीं इसापूर्व ५९ स रोम साम्राज्यं हस्तालिखित पत्रिका 'एक्टा डिउर्ना' पिदंगुलिसें नेपालय् राणाकालय् जंगबहादुर बेलायत भ्रमणं लिहां वःबलय् छापाखाना नं हःगु खँ नं दुथ्याः । १९५५ सालय् 'नेपालय् न्हापांगु साहित्यिक पत्रिका 'सुधार सागर' पत्रिका हे न्हापांगु प्रकाशित पत्रिका खः धकाः उल्लेख याःम्ह अधिकारीं २००७ साल माघ २५ गते विराटनगरं तारिणीप्रसाद कोइरालां रेडियो प्रसारण न्ह्याकूगु खँ नं च्वयातःगु दु । थुलिमाछि विषयय् न्ह्यंगु सम्पादकया च्वसां '२००८ सालय् थौंकन्हेया नेपाल पत्रकार महासंघया न्हापांगु रूप बाय् आधार नेपाल पत्रकार संघ नीस्वंगु व थुगु संघया संस्थापक अध्यक्ष सत्यनारायण बहादुर श्रेष्ठया योगदानं मखन । छक्कलं नेपाल पत्रकार महासंघया हेडिड्यु "नेपाली पत्रकारहरूको संस्था नेपाल पत्रकार संघको स्थापना २०१२ चैत्र १६ गते भएको हो (नेपाःमि पत्रकारतय्गु संस्था नेपाल पत्रकार महासंघया स्वनेज्या २०१२ चैत्र १६ गते जूगु खः) ।" धकाः च्वयातल । अर्नील थुकथं च्वयातल "२००७ सालय् प्रजातन्त्र वयेधुंकाःया खुला वातावरणय् पत्रकारिता ख्यः तब्या जुल । निहो, वाःपौ, बाःछिपौ, लय्पौकथं थीथी पत्रपत्रिका प्रकाशन जुइगु ज्या न्ह्यात । नेपाली काँग्रेसया मुखपत्रकथं म्हस्युगु 'नेपाल पुकार'या उबलेया सम्पादक कृष्णप्रसाद भट्टराई (उपाध्याय) या अग्रसरताय् नेपाल पत्रकार संघ (थौंकन्हेया नेपाल पत्रकार महासंघ) स्थापना जूगु खः" (नेवाः भासं हिला) । थुकथं ८ सालनिसें १२ साल चैत्र १६ न्ह्यःया दक्कं ज्या व न्ह्यलुवाःपिं मखंगु,

योगदान म्हस्युगु थुगु सफूया माध्यमं उगु योगदान हुइगु कुतः जूगु दु । थुगु सफुतिइ प्रष्ट च्वयातःगु दु "नेपाल पत्रकार संघ हुँदै हाल नेपाल पत्रकार महासंघ (केन्द्रीय सभापति/अध्यक्ष) बारेमा न्यूनतम जानकारीसहितको पुस्तक प्रकाशन गर्ने प्रयास गरेको हो ।"

सत्य त्वपुयाः गलत तथ्य स्वनेतः स्वइपिन्सं गुलि बलं थुगु सफूया विमोचन ज्याभ्वः यायेगु कुतः यात, उकियासिबें यक्वः शक्तिं थुगु ज्या पनेत नेवाः पत्रकार लगायत आदिवासी जनजाति पत्रकार महासंघया दुजःपि उगु हे हल मुन । मूपाहांकथं सभामुख देवराज घिमिरे व विशेष पाहांकथं रेखा शर्मा मथ्यंगु थुगु ज्याभ्वल्य् पाहांकथं च्वनादीपिं महासंघया पूर्व अध्यक्षपिन्सं सफू विमोचन यायेत्यनेवं सत्यया पक्षय् दनाच्वीपिं सकल पत्रकारतय्गु उमित भुन, सफू लाकन, खुत अले फोजिनया महासचिव मिलन लिम्बु "गलत इतिहास ब्वयाः सत्यनारायण बहादुर श्रेष्ठया योगदानयात हुइगु कुतः याःगुलिं विरोध यानागु खँ तसें थुगु सफू गन खन अन हे नष्ट यायेगु व सत्यतथ्य स्थापित यायेतलिसें उकिया अःखः थुकथं जुइगु कुटिलताविरुद्ध थःपिं आन्दोलनय् दुगु खँ नं तःगु खः । थुगु कुटिलता विपुलयागुपाखें जक जूगु मखःसैं थुकिइ पत्रकार महासंघया सकल नेतृत्व हे दुमुनाच्वंगु दु । सत्य, तथ्य व निष्पक्ष जुयाः ज्या यायेगु संस्कारया तिबः नेपाल पत्रकार महासंघ थःगु म्हसीकाय् "नेपाल पत्रकार महासंघ सम्पूर्ण नेपाली पत्रकारहरूको साभ्ना छाता संगठन हो जसको ६५ वर्ष लामो इतिहास छ । (नेपाल पत्रकार महासंघ सकल नेपाःमि पत्रकारपिनिगु संगठन खः, थुकिया ६५ दँ ताःहाकःगु इतिहास दु" धयाच्वंगु दु । ७७ सालया चैत्रय् वःगु थुगु ज्यासना पुचःया ल्याखं बाय् न्हापांसिसें पत्रकार महासंघं न्ह्यथनावःगु थुगु दँया ल्याखं २०१२ लुइ । अले धाइ " वि.सं. २०१२ चैत्र १६ गते गठन भएको नेपाल पत्रकार संघको निरन्तरताका रूपमा महासंघ रहेको छ । वि.सं. २०५३ जेठ २९ मा संघलाई महासंघमा रुपान्तरण गरिएको हो । (वि.सं. २०१२ चैत्र १६ गते गठन जूगु नेपाल पत्रकार संघया निरन्तरताकथं महासंघ खः, वि.सं. २०५३ जेठ २९ गते संघयात महासंघय् ह्युगु खः ।)" २००८ सालय् नेपाल पत्रकार संघ स्वनाः पत्रकार सकलें छवाः यानाः पत्रकारिताया नितिं सरकारपाखें जुइमाःगु ज्याया नितिं तर्क ध्यानाकर्षण यासैं दँमुज्या यानाः सक्रियता ब्वःगु थुगु संगठन दयेकेगु ज्या व नेतृत्व यानादीम्ह सत्यनारायण बहादुर श्रेष्ठया कर्म हुइगु व राजनीतिक ब्यक्तित्व 'कृष्णप्रसाद भट्टराईयात स्थापित यानाः थःपिनिगु राजनैतिक यात्रा अःपुइ धकाः थजाःगु कुकृत्य याईपिं प्रभावित पत्रकार न्ह्यलुवातय्गु नितिं थ्व छगू पाठ खःसा भीगु शक्तिया दसि नं खः । थुगु दसि भीगु हिइ सदां न्ह्याना च्वनेमा । थजाःगु कुटिलता सदां न्हुइ फ्यमा ।

गुबलेतक सत्यनारायण बहादुर श्रेष्ठया योगदानयात पत्रकार महासंघ लिपिबद्ध यानाः मान बीमखु उबले तक भीगु पलाः नं दीमखु । थ्व हे प्रण याय् ।

सकवया साधव नारायण

२०८० फागुन १ मंगलवा:







विजय रत्न असंबरे

नेवाः फिल्मखल्य थथे मतिना ब्याका इकिपा याःपिं मेमेपिं नं दु । उकिइ मध्ये छम्ह रामकृष्ण खडगी नं खः । वय्कः छम्ह नांजाम्ह फिल्म निर्देशकया नापनापं कलाकार, सन्चारकःमि, ख्यालःमिलिसैं आपालं प्रतिभा दुम्ह खः । वय्कया मतिनामि धइम्ह प्रमिला सायमि खः । वयक नं छम्ह नांजाम्ह संचारकःमि या नापनापं बहुप्रतिभाशालि मिसा खः । वयकपिनि दथुइ नं यःत्यः जुया इहिपा जूगु खःसा नेवाः सुपर स्टार त्याकुम्ह छम्ह लोकंठ्वाम्ह कलाकार रुपेन्द्र श्रेष्ठया इहिपा नं थः यज्जु लिसे जूगु खः ।

थौकन्हे पाश्चात्य संस्कृतिइ नालिपिन्सं भ्यालेण्टाइन विक धका थ्व छवाः हना च्वंगु दु । थ्व वाः मतिना न्यव्ययेगु वाः कथं कयातःगु दु । थुकियात कया चर्चा जुया च्वंगु दु । हलिउड बलिउडया कलाकार दथुइ सुया भ्यालेण्टाइन सु धका चर्चा जुया च्वनिगु न्हू खँ मखु । कलिउड धका धयातःगु खस नेपाली फिल्मया कलाकार दथुइ नं थजागु चर्चा जुयातुं च्वं । भीसं भी नेवाः फिल्मय् ज्या याइपिं दथुइ थथे चर्चा जूगु मखना । चर्चा याये मछ्छ । थथे मछ्छापहया दुने नं भी नेवाः फिल्म कलाकार दथुइ मतिना कालबिल धाःसा जुयातुं च्वं । छम्हेसियां मेमेम्हेसित भ्यालेण्टाइन धका सम्बोधन मयासां यःत्यःया बाखं न्याकुगु छुं छुं दसु थन न्यव्ययेगु कुतः यायेत्यना । दकले न्हापां हिसिला महर्जन व मणिराज लवटया चर्चा याये ।



हिसिला महर्जन व मणिराज लवट “राजमति” फिल्मय् नापं म्हितुपिं हिरो हिरोइन खः । थ्व फिल्म वि.सं.२०५१ साल पाखे निर्माण जुया वि सं २०५२ साल फागुनय् पिदंगु खः । थ्व फिल्मया शूटिंग जुया च्वंगु ई दुने मणिराज व हिसिला दथुइ मतिना ब्यागु धाःसा मखु खनि । थ्व फिल्म पूवने धुंका लिपा इमि दथुइ नापलायेगु ज्या जुया वःगु अले मतिना ब्यागु खँ इमिसं इलय्ब्यलय् धायेगु याः । इमि दथुया मतिनाया लिच्वः कथं इमि इहिपा नं जुल । इमि म्थ्याय् छम्ह दु पालिजा । पालिजा नं थुगुसिइ एस इ इ विइम्ह जुइ धुंकल ।

नेवाः फिल्म कलाकार दथुया दकले चर्चा यायेबहगु मतिनाया बाखं हिसिला व मणिराज दथुया मतिना खः । नेवाः फिल्मया कलाकार दथुइ मतिना ब्यागु थ्व छगूयां छगू दसु धाःसा मखु । मेमेगु नं दु । गुलिसिया

नेवाः भ्यालेण्टाइन्स

मतिना चर्चाय् वल धाःसा गुलिसिया मतिनाया बाखं चर्चाय् मवः । अझ धायेगु खःसा थःगु मतिनाया बाखंयात तःदँतक सुचुका तयेत तर्क ताःलापिं नं दु । अज्यापिं मध्ये छज्वः सुमिका वज्राचार्य व राजेश महर्जनया ज्वः खः ।

सुमिका वज्राचार्य व राजेश



महर्जन निम्हं नापं म्हितुगु फिल्मया नां “सर्गः मिला” खः । थ्व नं छगू चर्चित नेवाः फिल्म खः । थ्व धुंका सुमिका “अजः मिखा” व राजेश महर्जन “अंश” लगायत छुं छुं फिल्मय् अलगअलग म्हितल । तर इमि दथुइ मन स्वाये धुंकुगु जुया च्वन । इमिसं लिपा फिल्म हे म्हितल । गोप्य रुपं इहिपा याना तपु जीवन हना च्वन । थथे थःगु इहिपायात गोप्य तयेमाःगु मू कारण धइगु इमिगु लजगा खः । इपिं छगू नांजाःगु विमान कम्पनीइ एयर होस्टेस जुया ज्या याना च्वंगु जुया च्वन । विमान कम्पनीया शर्त कथं इमि एयर होस्टेस अविवाहित जुइमा धइगु दु । थनथाय् लाक बलिउडया नांजाम्ह गायक उदित नारायण भाया मतिनाया खँ स्वाकेगु पाय्छि जुइ । उदितनारायणलिसे मतिना जूगु इलय् दिपा गहतराज नं भारतया छगू विमान कम्पनीइ एयर जुया ज्या याना च्वंम्ह खःसा थ्वहे हुनिं याना इमिसं नं गुलि ई तक तःगु इहिपाया खँ गोप्य तयेमाःगु खः । उदित दिपा लिपा तिनि थःगु इहिपा सार्वजनिक याःथेहेतुं सुमिका व राजेश नं लिपा वना तिनि इमिगु इहिपाया खँ सार्वजनिक याःगु खःसा इहिपा भव्य तर्क नकुगु खः ।

नेवाः फिल्मखल्य थथे मतिना इहिपा याःपिं मेमेपिं नं दु । उकिइ मध्ये छम्ह खः सुरेन्द्र तुलाधर । वयक थौकन्हे नेवाः फिल्मखःया छम्ह नांजाम्ह व लोकंठ्वाम्ह कलाकार व फिल्म निर्देशक खः । वयकया मतिना



जूगु धइगु सुधा शाक्य नाप खः । तुलाधरं कनादीकथं वयकलं सुधायात दकले न्हापां खंगु धइगु जन्वाहाद्यःया जात्राय् जुया च्वन । जन्वाहाद्यःया रथ साला लगत्वालय् थ्यना च्वंगु इलय् सुरेन्द्र सुधायात खंगु जुया च्वनसाय वयागु मन वलिसे तर्क्यंगु जुया च्वन । थुकथं ब्यागु मतिना लिपा वना इहिपाय् हिला । तपु जीवन हन । इमि निम्ह म्थ्याय् दु ।

नेवाः फिल्मखल्य थथे मतिना ब्याका इकिपा याःपिं मेमेपिं नं दु । उकिइ मध्ये छम्ह रामकृष्ण खडगी नं खः । वय्कः छम्ह नांजाम्ह फिल्म निर्देशकया नापनापं कलाकार, सन्चारकःमि, ख्यालःमिलिसैं आपालं प्रतिभा दुम्ह खः । वय्कया मतिनामि धइम्ह प्रमिला सायमि खः । वयक नं छम्ह नांजाम्ह संचारकःमि या नापनापं बहुप्रतिभाशालि मिसा खः । वयकपिनि दथुइ नं यःत्यः जुया इहिपा जूगु खःसा नेवाः सुपर स्टार त्याकुम्ह छम्ह लोकंठ्वाम्ह कलाकार रुपेन्द्र श्रेष्ठया इहिपा नं थः यज्जु लिसे जूगु खः । वयकया यज्जु सरिना वज्राचार्य थौकन्हे नेवाः एफ एमय् ज्याभवः न्याकामि जुया सन्चारकर्म न्याकाच्वंम्ह खः । उलिजक मखसे वयक मयजु नेवाः फिल्मखःया आः तकया छम्हयां छम्ह फिल्मच्वमि कथं रेकर्ड तयेत ताःलाम्ह खः । वयकलं च्वयादीगु फिल्म “पागलपन” पिदने धुंकुगु दु । रुपेन्द्र व सरिनाया निम्ह म्थ्याय् दु । सिम्रिक व संकिपा नांयापिं निम्हं मस्त नं कलाकारिताखल्य नुगः क्वसायेका वया च्वंगु दु । सरिना वज्राचार्यया च्वसां पिदंगु फिल्म “पागलपन” या हिरोइन नं नेवाः फिल्मखःया छम्ह लोकंठ्वाम्ह हिरोइन खःसा वयागु इहिपा नं थः यज्जु सुजन लिसे जूगु खँ थन न्यथने बहज्जु ।

अथेहेतुं “थः कतः कतः थः” निर्देशक जितेन्द्र राजोपाध्याय नं

मतिना याना मतिनामिलिसे इहिपा याःम्ह खः । वयकया “थः कतः कतः थः” या हे हिरोइन सचि राजोपाध्यायलिसे मतिना ब्यागु खःसा इमि दथुइ नं इहिपा जुया तपु जीवन हनावया च्वंगु दु ।

नेवाः संगीत व फिल्मया नापनापं थौथी इभेण्टया खल्य ज्वमदुगु ल्हान्याकावयाच्वंम्ह स्वतन्त्र संसार महर्जन नं मतिना याना मतिनामिलिसे इहिपा याम्ह कलाकःमि खः । वयकया मतिनामिया नां प्रेमाहा महर्जन खः । वयकपिं दथुइ छगू डान्स स्पेनेकुथिइ मतिना जूगु जुया च्वन । दकले न्हापां स्वतन्त्र प्रमाहायात खँवले हे हाकर्षित जूगु जुया च्वनसा प्रेमाहा नापलाये दइ धका हे डान्स क्लासय् नियमित वनिगु जुया च्वन । इमि नं इहिपा जुया सम्बत संसार महर्जन नांयाम्ह काय् छम्ह दु ।

“घोषक” नांयागु बुद्धकालिन



बाखंया लिधंसाय् दयेकातःगु फिल्मया निर्देशक अमृतचन्द्र श्रेष्ठया पुजा नापं यःत्यः इहिपा जूगु खःसा “तिन तिकः महाविकः” फिल्मं वयवय् जूम्ह हिरोइन निकि महर्जन नं दिपेश चित्रकार नांयाम्ह मिर्जालिसे यःत्यः इहिपा याःगु खः । खयतला “पानबति” फिल्मया हिरोइन सनम शाक्यं नं पुर्ण डंगोललिसे मतिनायाना इहिपा याम्ह हिरोइन खः ।

नेवाः फिल्म “पटाचारा”, “कृपा गोतमी” या हिरोइन मेलिना मानन्धरं कलिउडया छम्ह हिरो मुकेश ठकाललिसे मतिना ब्याका इहिपा याःगु खःसा थ्व फिल्मय् मेलिनालिसे हिरो जुया म्हितुम्ह कर्मा शाक्यं छम्ह विदेशी मिसा यात थः भ्यालेण्टाइन नाला वलिसे हे इहिपा यागु दु । थथे थवंथवय् भ्यालेण्टाइन दयेका मतिना ब्याका इहिपा याःपिं वा मतिनाजक ब्याका इहिपा मयापिं नं दयेफु तर आः यात थुलि हे जक निं ।

हरेक मंगलवार

राष्ट्रियताको लागि समर्पित



मेरो साप्ताहिक

मेरो साप्ताहिक Mero Saptahik

माला: माला: ब्वनादिसँ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ्ग पनि गरिन्छ ।

यै मनपा २३ वडाय् सार्वजनिक सुनुवाइ



यै महानगरपालिका २३ वडाय् सार्वजनिक सुनुवाइ ज्याइवः जूगु दु । ज्याइवल्य् वडाया अध्यक्ष मचाराराजा महर्जनं चालु आर्थिक दँया वंगु खुला दुने वडापाखें जूगु थीथी ज्याइवः व वडगु खुला दुने यायेगु ज्याइवःया बारे प्रतिवेदन न्ह्यब्वयादीगु खः । ज्याइवल्य् न्ववानादिसें वडाया स्थानीय समुदायया माग व चाहना कथं थःपिसं ज्याइवः यानाच्चनागु खँ कनादिसें अध्यक्ष महर्जनं थःपिसं थुगु आर्थिक दँ निसें विकास खर्च्य् जक सामाजिक, आर्थिक क्षेत्र्य् ज्या यायेगु

निर्ति नं बजेट फ्यानागु खँ धयादिल । वय्कःया कथं थुगु आर्थिक दँ निसें वडाया वडगु बजेट मध्ये विकास निर्माणया ज्याया निर्ति पूँजीगत बजेट ६० प्रतिशत व वडावासीतय् सामाजिक, आर्थिक, सांस्कृतिक विकासया निर्ति ४० प्रतिशत चालु बजेट फ्याःगु खः ।

चालु बजेटपाखें वडावासीपित प्रत्यक्ष लवः दइगु कथं आर्थिक उपार्जन जुइगु ज्या यायेफइकथं थीथी तालिम बीगु, वडा दुनेया अमृत सम्पदा बाजं, गुथिया संरक्षणया निर्ति खर्च यायेगु,

स्वास्थ्य केन्द्र स्थापना यायेगु, विपद व्यवस्थापन आदि ज्याया निर्ति खर्च यायेगु व यानाच्चनागु खँ कनादिल । थुगु बजेट कथं थुगुसी वडापाखें २३ वडा दुने लाःगु च्यागु बाजं खलःयात म्हांति न्यागु न्यागु लाख दां बीगु खँ धयादिल । अथेहे वडावासीतय् क्षमता विकासया निर्ति अन्तर्राष्ट्रिय बजार पहुँच सम्बन्धी तालिम बियागु, संघसंस्थातय्त सामाजिक विकास सम्बन्धी तालिम बियागु खँ कनादिल ।

अथेहे वडाया च्वंगु सम्पदा संरक्षण व प्रचार प्रसारया निर्ति वडाया दुगु फुक्क सम्पदाया डाटा संकलन यानाः, उक्रिया बारे जानकारीसहित वेब साइटय् तयेगु व क्यूआर कोड स्वयान यानाः उगु सम्पदाया जानकारी कायेफइ कथं ज्या न्ह्याकाच्चनागु जानकारी बियादिल । अथेहे वडावासी मिस्तयसं आर्थिक उपार्जन जुइकथं गाडी चले याये सयेकेमा धयागु ल्याखं मिस्तयत गाडी चले यायेगु तालिम बीत्यनागु खँ नं वय्कलं कनादिल ।

पार्किङ्ग चीकूगुया विरोध



यै महानगरपालिका वडा २२ या वडाध्यक्ष चिनीकाजी महर्जनं छगु पत्रकारा सम्मलेनयासे न्हसतकय् ठेक्कां पार्किङ्ग याकेगु ज्यायात थम्हं न्हापानिसें हे विरोध यानाच्चनागु खँ कँसें वय्कलं धयादिल, 'थन सशुल्क मखु निःशुल्क व व्यवस्थित पार्किङ्ग यायेमाः धइगु पक्षयाम्ह खः जि ।' धका धयादीगु खः ।

यै महानगरपालिकाया दुगु ध्यवा खर्च याये मफुगुलि अथे ध्यवा कया पार्किङ्ग याकेम्वाः धका धयादीगु खः । अथे वयकलं धयादीगु दु, थ्व शहरया नां 'काठमाडौं' खः, बालेन सिटी मखु धासें मेयर बालेन साहं नगरया नां तकं

हिलेगु कुतः यानाच्चंगु द्वपं बियादीगु दु । थःगु हे न्ह्यःने वयाः मनूतयसं ' बालेन सिटी' धाइबल्य् अथे धाये मजिउ धायेमाःम्ह मेयर साहं अःखतं मुसुमुसु न्हिलाच्चनीगु खँ नं वडाध्यक्ष महर्जनं कनादिल ।

न्हसतकया पार्किङ्ग चीकूगु विरुद्ध वडा ज्याकुथिइ यानादीगु पत्रकार सम्मलेनय् न्ववासें वय्कलं उगु खँ धयादीगु खः ।

पार्किङ्ग विरुद्ध संघर्ष समितिया नायः अमृत मानन्धरं यदि मनपां थःपिनं खँ मन्यन धाःसा न्हू सतकय् पसः तिनाः टायर च्याकेगु ख्याच्चः बियादीगु दु ।

जनकवि व लोककवि पासा पुचःया सम्मानार्थ संरक्षक



नेपालभाषा साहित्य, संस्कृति, सामाजिक व राजनैतिक ख्यल्य् ज्वःमदुगु योगदान बियाच्चनादीपिं जनकवि दुर्गालाल श्रेष्ठ व लोककवि राजभाई जकःमियात नेपाः पासा पुचः अमेरिकाया सम्मानार्थ संरक्षक कथं हंगु दु । यैजु छगु ज्याइवःया दथुइ वय्कःपिन्त थथे हंगु खः । हना ज्याइवल्य् यै महानगरपालिकाया उपप्रमुख सुनिता डंगोल मूपाहाँ कथं भायादीगु खः । अथेहेतुं विशिष्ट पाहाँ कथं ख्यालिजुजु मदनकृष्ण श्रेष्ठ

भायादीगु खः । ज्याइवल्य् नुगःखँ तयादिसें ख्यालिजुजु श्रेष्ठ जनकवि व लोककवि निम्हेसियां म्ये थम्हं हाले खंगुलिं थःत गौरव ताःगु धयादिल ।

मूपाहाँ उपप्रमुख सुनिता डंगोल वयकःपिन्त हनापौ देछानादीगु खःसा जनकवि श्रेष्ठ धाःसा थःगु प्रतिकूल उसाँय्या हुनिं हना ज्याइवल्य् उपस्थित जुयामदी । वयकलं सामाजिक सन्जालपाखें थःपिन्त थथे हंगुलिं सुभाय् देछानादीगु खः ।

ग्वसाःखलःया नायः मनोहर श्रेष्ठ

सभानायः जुयादीगु उगु ज्याइवल्य् वय्कलं हे लसकुस नुगःखँ तयादिसे अमेरिकाय् स्वीनिदँ न्ह्यः नीस्वंगु थ्व पुचः हे नेपालं पिने नीस्वंगु दकले न्हापांगु नेवाः संगठन खः धासें अमेरिकाय् थ्व संगठनं सांस्कृतिक ज्याइवःया नापनापं युवापुस्तायात ग्वाहालि जुइकथं ज्या यानाः वयाच्चनागु खँ कनादिल ।

ज्याइवल्य् साहित्यकार व सन्चारकःमि सुरेशकिरण मानन्धरं नेपाः पासा पुचः अमेरिकाया बारे थीथी खँ न्ह्यब्वयादिलसा कलाकार यमन श्रेष्ठ म्ये हालाः न्यकादिल ।

सम्मानार्थ संरक्षकपिं शताब्दी पुरुष सत्यमोहन जोशी व समालोचक मानिकलाल श्रेष्ठया किपाः न्ह्यःने देवा च्याकाः श्रद्धान्जलि नं देछाःगु ज्याइवल्य् ग्वसाःखलःया संरक्षक समीर महर्जनं, लोककवि जकःमि, ख्यालिजुजु श्रेष्ठ लगायतं नुगःखँ तयादीगु खः ।

कोकिल मिडियायात कारवाही

विज्ञापनया नियमन याय्त नेपाल सरकारं स्वनातःगु विज्ञापन बोर्ड विज्ञापन एजेन्सी कोकिल मिडियायात कारवाही याःगु दु ।

विज्ञापन एजेन्सीकथं ज्या यानाच्चंगु कोकिल मिडियायात भिद्रः तका जरिवाना व २०८१ असार मसान्ततक विज्ञापन कारोवार रोक्का यानाब्यूगु दु ।

नसर्ने रोग रोकथाम तथा नियन्त्रण सम्बन्धी विज्ञापन प्रसारण याय्त राष्ट्रिय स्वास्थ्य शिक्षा, सूचना तथा सञ्चार केन्द्रलिसे उगु एजेन्सी वंगु असोज १२ गते याःगु सम्झौताय् न्ह्यथनातःगु ध्यबा स्वयां अप्चः सेवा शुल्क कयाः विज्ञापन प्रसारणया आदेश ब्यूगुलिं थथे जरिवाना यानागु बोर्ड छगु विज्ञापित जारी यासें धाःगु दु ।

एजेन्सी केन्द्रयाके विज्ञापन प्रसारणबापत प्रति स्पट रु.१०६।६१ इ सम्झौता यानाः एफएम रेडियोय् प्रति स्पट रु. ११।११ य् प्रसारण आदेश बियाः प्रति स्पट रु.९८।५० अर्थात ९८६.५८ प्रतिशत सेवा शुल्क काय्

त्यंगुलिं बोर्ड कारवाहीया निर्णय यानागु उगु विज्ञापितइ न्ह्यथनातःगु दु ।

बोर्ड कोकिल मिडियां ५२ गू एफएम रेडियो विज्ञापन प्रसारण याय् माःथाय् २० गू एफएम जक विज्ञापन प्रसारणया उजं ब्यूगुलिं बोर्डया माघ १९ गतेया मुँज्यां विज्ञापन (नियमन गर्ने) नियमावली २०७७ (पहिलो संशोधनसमेत) या नियम ११ख या उपनियम (१) कथं २०८१ साल असार मसान्ततक उगु एजेन्सीया विज्ञापन कारोवार रोक्का याय्गु व उगु अर्वाधतक उगु एजेन्सीयात विज्ञापन बोर्डमा सूचीकरणतक मयायुगु निर्णय जूगु विज्ञापितइ न्ह्यथनातःगु दु ।

बोर्ड आर्वलि बोर्डय् सूचीकृत विज्ञापन एजेन्सी व सञ्चार माध्यमलिसे जक विज्ञापन कारोवार याय्त याकेत राष्ट्रिय स्वास्थ्य शिक्षा, सूचना तथा सञ्चार केन्द्रयात निर्देशन बीगु निर्णय याःगु दु ।

बोर्डय् एफएम रेडियोपाखें वःगु उजुरीया आधारय् थुगु मिडियायात कारवाही याःगु खः ।

मेयरकप तेक्वान्दो प्रतियोगिता क्वचाल



जैशिवेवल यूथ क्लबया ग्वसालय् जूगु प्यक्वःगु बागमति प्रदेश स्तरीय जुनियर आमन्त्रण मेयर कप तेक्वान्दो प्रतियोगिता २०८० शनिवाः क्वचाल । २० स्वर्णया निर्ति जूगु

कासाय् यै मनपा न्हाप, ग्वसाःखलः जैशिवेवल तेक्वान्दो डोजाङ्ग ल्यू व गोदावरी नगरपालिका लियांल्यू लाकेत ताःलाःगु दु ।

यै महानगरपालिकाया

प्रायोजनय् जूगु कासाया समापन ज्याइवः क्लबया नायःलिसें जैशिवेवल तेक्वान्दो डोजाङ्गया प्रमुख प्रशिक्षक राजेश प्रजापति तथा सभापतित्वय् जूगु खः ।

यै मनपा १७ वडाया नायःलिसें यैया प्रवक्ता नविन मानन्धरया मूपाहाँसुइ जूगु ज्याइवल्य् २० वडाया नायः राजेन्द्र मानन्धर, १४ वडाया नायः सुमन श्रेष्ठ, १२ वडाया नायः बालकृष्ण महर्जन व २१ वडाया नायः उदय चुडामणि बज्राचार्यया नं ब्वति दुगु खः । ज्याइवल्य् तेक्वान्दो कासालिसे सम्बन्धित थीथी संघसंस्थाया प्रतिनिधिपिनं नं ब्वति दुगु खः ।

न्यूरोड मल....

च्वयागु मदु, व्यावसायिक प्रयोजन हे न्ह्यथनागु दु । मेखे नगरपालिकां हे बेसमेन्टय् व्यावसायिक प्रयोजन धकाः नक्सा पास याय्गु अले मेखे हाकनं नगरपालिकां हे बेसमेन्टय् पसः तय् दइमखु धकाः थथे सामान यंके ज्यू ला ?' मलया संचालक महर्जनं न्ह्यसः तयादिल ।

कम्प्लेक्सय् लुटपाटया शैलीं महानगरपालिकां लाकां पसःया ज्वलंत ल्हवना यंकूगु घटनायात कयाः ज्यापु महागुथि नेपाःया नायः

सत्यनारायण डंगोलं विरोध याःगु दु । वय्कलं महानगरपालिकां व्यापारी वर्गायात ज्या हे याके मब्यूगु द्वपं तकं बियादीगु दु ।

मल दय्केज्या न्ह्यासांसिसें हे थीथी नामं हःताः जुया हे वयाच्चंगु दु । गुबलें अन कुमारीया देगः स्यंकल धकाः विरोध जुल सा गुबलें जाः मगाःगु धकाः गुबलें पसः तल धकाः दुःख बीगु ज्या जुयाच्चंगु दु । न्यूरोड लागया व्यापार व्यवसाययात यै महानगरपालिकां स्वइगु दृष्टिकोण हे महिताया थें जुयाच्चंगु दु ।

न्यू जेनिथ ई. मोडल स्कूलया २५ दँ हन



युनिभर्स अफ न्यू जेनिथ स्कूल' नायागु स्मारिका म्यागेजिन मुपाहाँ उपप्रमुख डंगोल विमोचन यानादीगु दु ।

ज्याइवल्य स्कूलय न्यादीनसें २५ दँतक सेवा यानादीपिं शिक्षक, शिक्षिका व कर्मचारीपिन्त नं सम्मान याःगु दु ।

ज्याइवः विशेष पाहाँकथजं भयादीमह प्याबसन काठमाडौंया नायः कुमार राई उलेज्या यानादीगु खः ।

ज्याइवल्य येँ मनपा १८ वडया नायः न्हुछेकाजी महर्जन, २३ वडया

न्यू जेनिथ इंग्लिश मोडल स्कूल नीन्यादँ क्यंगु लसताय रजत जयन्ती ज्याइवः नेपाल प्रज्ञा प्रतिष्ठानय तःजिक हन ।

येँ महानगरपालिकाया उपप्रमुख सुनिता डंगोलया मूपाहाँसुइ जगु ज्याइवल्य स्कूल स्थापना जसानिसें आःतकया गतिविधि न्ह्यब्वइगु व थीथी सांस्कृतिक, खेलकुद ब्वज्या जुइगु खँ प्रिन्सिपल महर्जन कनादिगु दु ।

उगु ज्याइवल्य ख्वीमहसिबे अण्वः विद्यार्थीपिन्सं म्युजिकल अर्केस्ट्रा, म्युजिकय आधारित तेक्वाण्डो सो, स्काउट पिरामिट, म्ये,

हुलाप्याखं व नाटक न्ह्यब्वइगु जगु दु ।



अथेहे तुं प्रिन्सिपल महर्जन थः शिक्षण पेशाय च्वनाः मुनागु अनुभव व भोगाई आधारित सफू 'सानो सफलतामा धेरै रमाउने मान्छे' व 'थर्ड

नायः मचाराजा महर्जन, ज्यापु महागुथि नेपाः येँ महानगर समितिया नायः पञ्चनारायण महर्जनया नं उपस्थिति दुगु खः ।

नेवाः पत्रकार राष्ट्रिय दबू ख्वपया दँमुँज्या



नेवाः पत्रकार राष्ट्रिय दबू ख्वप कचाया भिक्वःगु दँमुँज्या आइतवाः क्वचाल । दबूया केन्द्रीय नायः नृपेन्द्रलाल श्रेष्ठया मूपाहाँसुइ जगु ज्याइवः ख्वप कचाया नायः रामगोपाल तमखुया सभापतित्वय न्ह्याःगु खः ।

मूपाहाँ श्रेष्ठ नेवाः पत्रकार राष्ट्रिय दबूपाखें यायत्यंगु बैशाखनिसें दच्छियंकं मातृभाषा पत्रकारिता शताब्दी हनेत्यंगु व उकी फुककचापाखें ग्वाहालि यायत इनाप

यानादिल । कचाया छ्याञ्जे देवेन्द्र श्रेष्ठ दबूया वार्षिक प्रतिवेदन न्ह्यब्वयादीगु ज्याइवल्य आर्थिक प्रतिवेदन नं न्ह्यब्वःगु खः । ज्याइवल्य पाहाँकथं नेपाल पत्रकार महासंघ ख्वप जिल्लाया उपाध्यक्ष श्यामसुन्दर शिल्पकार, दबूया केन्द्रपाखें उपाध्यक्ष सुरेन्द्रभक्त श्रेष्ठ, महासचिव केके मानन्धर, दांभरि बाबुकाजी साछे श्रेष्ठ व दुजः पूर्णभक्त दुवालीपिं नं भयादीगु खः ।

रजत जयन्ती तथा सरस्वती पूजाको अवसरमा विशेष छुट

१००% भर्ना शुल्क र सेक्युरिटी डिपोजिटमा छुट ।

नर्सरी देखि कक्षा ४ सम्म र ७-८ कक्षामा कोहि छिट मात्र ।

मर्ना खुल्यो !

Play Group

शिशु श्याहारदेखि १२ कक्षासम्म पढाई

NEW ZENITH ENGLISH MODEL SCHOOL

Tempokha, Bhairungkhel, Kathmandu, Nepal
Tel: (977-1) 5349166, 5345438 (DH)
Email: newzenithschool@gmail.com

प्रजातन्त्रका आधारभूत पक्षहरू

- संवैधानिक सर्वोच्चता
- मौलिक हक
- बहुलवादको सम्मान
- मानवअधिकार
- विधिको शासन
- पूर्ण प्रेस तथा वाक स्वतन्त्रता
- शक्ति पृथकीकरण
- सामाजिक न्याय तथा समावेशीकरण
- आर्वाधिक निर्वाचन
- आर्थिक, सामाजिक तथा सांस्कृतिक विकास ।

नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्त्रीय शूलभ स्वास्थ्य सेवा सकसियां निति, असहायया निति त्रक निःशुल्क"

<p>उपलब्ध सेवा</p> <p>२४सै घण्टा सेवा</p> <ul style="list-style-type: none"> ● इमरजेन्सी ● प्याथोलोजी ● एक्स रे ● ई सी जी ● औषधि पसय ● अन्तरंग सेवा 	<p>शल्यक्रिया</p> <ul style="list-style-type: none"> ● मोरिनिन् ● जनन तर्दी ● बक बस चाँदी सम्बन्ध ● हाडतली कप मा सम्बन्ध ● विना चिरकार जिस्त्र लीको पन्वर सम्बन्ध 	<p>बहिरंग सेवा</p> <ul style="list-style-type: none"> ● मुह रोग ● गड रोग ● पुरीबोजी ● स्त्री रोग ● बाल रोग ● क्यान्सर रोग ● बन्स रोग ● अंधा रोग ● जनरल मेडिसिन ● बर्ष लया रोग ● नाक कान चाँदी रोग ● जनरल हेल्थ चेक अप ● साइरोइड ● मधुमेह
<p>मेमेमू सेवा</p> <ul style="list-style-type: none"> ● ट्रेसिङ ● इण्ट्रोस्कोपी ● कोनोन्सोस्कोपी ● फ्रिजियोथेरापी ● अल्ट्रासाउण्ड, कलर डोनर र इको ● पुरीबोजी तरको बल प्रयोगशाला ● टिएम.टी. इन्टर 		

२४ घण्टा इमरजेन्सी सेवा

७०८ गंगाखाल मार्ग, छत्रपाटी, काठमाडौं, फोन: ४२१६१३८, ४२५७९११, ४२६६२२९